

autem commoditati tuae servire, facultatem facimus posse Te extra Urbem Episcopum consecrari, a quolibet catholico Praesule, cui duo assint consecratores eiusdem dignitatis viri, omnesque sint Nobiscum fidei vinculis coniuncti. Quod tamen non ante fiat, quam sive fidei professionem fecisti sive ius iurandum fidelitatis erga Nos et Successores Nostros dedisti, teste quolibet Praesule et ipso hanc Petri cathedram sincere colente, iuxta statutas formulas quas de more signatas sigilloque impressas ad S. Congregationem pro Episcopis cito mittes. Pro Te denique, dilecte Fili, a summo Deo praesentissimum imploramus opem, qua nisus satis officio facias atque amplissimam meritorum messem colligas. Datum Romae apud S. Petrum, die decimo primo mensis iulii, anno Domini millesimo nongentesimo sexagesimo nono, Pontificatus Nostri septimo. — J. T. —

Aloisius Card. Traglia
S.R.E. Cancellarius

Franciscus Tinello
Apostolicam Cancellariam Regens

Joannes Calleri, Proton. Apost.
Gaspar Canvagalli, Proton. Apost.
In Canc. Ap. tab. vol. CXXXII N. 72

Expedita die XXII
Aug. A. Pontif. VII
M. Orsini Plumbator

Most Rev. Alfredo A. Obviar, D.D.

PAULUS EPISCOPUS SERVUS SERVORUM DEI

venerabili Fratri ALFREDO OBVIAR ET ARANDA, haecenus Episcopo titulo Linoënsi atque Administratori Apostolico Lucenensis, electo eiusdem Ecclesiae Episcopo, salutem et apostolicam benedictionem. Admirabilem Apostolorum vitam considerantes, ac quot quantaque egregia facinora viri illi gesserint, ut Christi religione hominum pectora imbuerent, et Ipsi, qui in beatissimi Petri locum munere Dei successimus, populum christianum gubernaturi, non modo Christi gregem studiosissime regere adnitimur, verum etiam singulas semper Ecclesias talibus credi pastoribus curamus, qui virtute sua, integritate, prudentia, consilio regant. Quam ob rem, constitutae dioecesi Lucenensi per apostolicas Litteras "Quo aeternae," die duo detricesimo mensis martii, anno millesimo nongentesimo quingagesimo, cum iam oporteret Antistitem suum dare, qui proprio nomine gubernaret, bene fieri censuimus si Te, venerabilis frater, ad munus tale deligeremus, qui praeterquam quod ingenio felici praestas, etiam usu

rerum antecedis, quocum sinceræ pietatis ornamentum coniungis. Quæ cum ita sint, consilio petito a venerabili fratre Nostro S.R.E. Cardinali Sacræ Congregationi pro Episcopis Præfecto, Te Linoënsis Sedis vinculo solutum ad Ecclesiam regendam LUCENENSEM transferimus, ea spe ut qui eam diligentissime gubernaveris Administrator, maiore etiam studio regas Episcopus. Placet ergo Tibi, venerabilis frater, eiusdem diocesis regimen atque omnem administrationem dare, quæ tui ordinis Episcopos addecent, cum iustis oneribus. Ad fidei professionem quod attinet et ius iurandum fidelitatis erga Nos et hanc Apostolicam Sedem, hoc quidem dabis, teste aliquo sacro Præsule sinceræ fidei, ab illa vero eximimus, contrariis nihil obstantibus. Iurati autem iurisiurandi formulam recte subscriptam atque sigilli documento impressam ad Sacram Congregationem pro Episcopis cito mites. Oblatam occasionem non amittimus sive clerum tuum, sive populum hortandi ut non solum Te æquo animo excipiant, verum etiam mandanti oboediant in omnibus; quibus erunt hæc Litteræ perlegendæ, diem festum celebrantibus in cathedrali templo, post eas exceptas primum. Ceterum, venerabilis Frater, id Deum precamur, cuius cælesti providentiâ gubernatur universa, ut suo nomine fidelissime assit; quod si etiam a Te impetratum fuerit, non solum rebus uteris secundis, sed et bene de Ecclesia sancta merebis. Datum Romæ, apud S. Petrum, die uno et vicesimo mensis iunii, anno Domini millesimo nongentesimo sexagesimo nono, Pontificatus Nostri septimo. =J.T.=

Aloisius Card. Traglia
S.R.E. Cancellarius

Joannes Calleri, Proton. Apost.
Gaspar Canvagalli, Prot. Apost. s.n.
In Canc. Ap. tab. Vol. CXXXII N. 89

Franciscus Tinello
Apostolicam Cancellariam Regens
Expedita die 11 Sept. anno Pontif. VII